



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Balbina V. 31. Martii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

spiciis fretus bellum omni superstitioni indixit, templa passim Deorum evertit, DEO posuit. Cum ex humano hospitio Stygis incolam exigeret, voluit hic in mulum REGVLI migrare. At quo virtute crucis vel ab hoc magistro docerentur nostri hæretici, mulus pede priore in pulvere crucem scripsit, itaque longè hostem proscripsit. Divus verò, qui aditum hunc orco negavit, exitum è carceribus Christianis facile indulfit. Nam cum permulti inter vincula agerent, REGVLVS scipione clavis vicem usus, ostium pulsavit, aperuit, vinctos omnes dimisit; cumq; urbi Præfectus unam pro omnibus vicariam victimam REGVLVM morti destinasset, in somnis Dionysius adfuit, mortèque, quam REGVLO parabat, ipsi iudici intentavit. Illud simul lepidum, simul mirandum. Ad concionem dicebat; sed dicentem garrula animalia ranæ sæpè sapiùs interpellabant. Imperavit REGVLVS silentium immorigeris, & ecce continuo tacitæ audiverunt declamantem. Dixisses tunc illas in homines iterum, hodie verò homines in ranas iterum abiisse. *Ex Petro de Nat.*

S. BALBINA V. 31. Martii.

Pvellis aliis sponsum forma, BALBINÆ deformitas conciliavit. Id in hunc modum accidit. Ad miraculum
M 5 primò

primò formosa fuit, obque id parenti Quirino Tribuno unicè chara. Sed quia hïc Alexandrum Pont. itemque Hermetem Præfectum ob fidem in vinculis habebat, Numen vindicare impietatem patris in filiâ (oculo parentis) statuit, colloque virginis iugens onus, & quod omnem pulchritudinem extingueret, strumam appendit. Cum hâc dote cum nulli jam placeret BALBINAM ducere, & parens desperandum sibi de nuptiis filiæ videret, Alexandrum in vinculis accessit, promisitque, si strumam filiæ collo pelleret, superstitionem secum hâc animo pulsurū. Facile utrinque convenit. Vix admovit Alexander filiæ vincula sua, quæ Quirinus iniecerat, cum illa strumam, uterque superstitionem posuit. Itaque jam nuptiæ splendide parabantur. Sed puer elegantissimus adstitit virgini, face armatus. Is sive Amor sive Hymenæus sanctior facile melioris Sponsi amore accendit, IESVque ut nuberet, induxit. Interea creberrima oscula salutis auctoribus vinculis Alexandri fixit. Idem præstitit monita ab Alexandro D. Petri vinculis. Mortui deinde pro Christo & Alexander & pater; virgo longius supervixit, utriusque heres virtutis. *Ex Ferrario.*